

Kafli 7 – Fylgdarbílar í götuhjólreiðum

7. **Skilgreining – Fylgdarbíll** - Ökutæki sem ekki er á vegum mótstjórnar en tengist keppanda eða keppendum í keppni, þ.e. fylgdarbíll, þarf að fá sérstakt leyfi mótstjórnar til að vera í skilgreindri keppnisbraut meðan á keppni stendur. Sé slíkt leyfi ekki til staðar og/eða mótstjórn telur að slíkt ökutæki hafi truflandi áhrif á framgang keppni getur mótstjórn vikið tengdum keppanda eða keppendum úr keppni.
2. **Reglur um Fylgdarbíla** - Fylgdarbílar eru leyfðir í brautinni til að aðstoða keppendur í Íslands eða Bikarmóti. Ekki er heimilt að vera með fylgdarbíla í almenningsflokki.
3. **Almennar reglur**
 - 3.1. Fylgja þarf í einu og öllu reglum HRI og viðkomandi mótstjórnar um Fylgdarbíla
 - 3.2. Fylgdarbílar skulu í einu og öllu fara eftir fyrirmælum dómara og skulu alltaf keyra á eftir dómara en aldrei nær dómaraþíl en nemur tveimur bíllengdum.
 - 3.3. Fylgdarbílar mega aldrei vera á milli dómaraþíls og keppenda nema með sérstöku leyfi dómara. Þegar tími á milli hópa er orðinn nægur til að dómari telur það vera öruggt að fara á milli hópa færir dómaraþíllinn sig á milli hópanna og þeir fylgdarbílar sem eiga liðsmenn í þeim hóp fylgja á eftir en aðrir elta sinn hóp.
 - 3.4. Fylgdarbílar mega aldrei vera á ferð fyrir framan fremsta keppanda sem hann fylgir og aldrei fyrir framan aðra keppendur nema það séu að minnsta kosti 50 metrar í næsta keppanda fyrir aftan, varast ber að næsti hópur hagnist af drafti við bíla.
 - 3.5. Fylgdarbíll keppanda sem aðrir keppendur eru að ná skal skal færa sig tímanlega úr vegi og staðsetja fyrir aftan fylgdarbíla hraðari keppenda.
 - 3.6. Fylgdarbíll hraðari keppanda er fer fram úr öðrum keppendum má ekki fara framfyrir hægari keppendur fyrr en öruggt bil myndast og hægari keppendur hagnist ekki á framúrakstri.
 - 3.7. Fylgdarbílar sem fylgja flokkum eiga að raðast upp í stærðarröð þannig að lægsti bíllinn sé fremst og sá hæsti aftast og tryggja þannig öryggi og yfirsýn umferðar sem þarf að fara framúr.
 - 3.8. Fylgdarbílar skulu alltaf fylgja umferðarlögum og leitast við að auðvelda annarri umferð að komast fram úr hópum þannig ekki stafi hætta af fyrir keppendur í móti.
4. **Aðstoð við keppendur**
 - 4.1. Ef bílstjóri er einn í fylgdarbíl má hann einungis veita aðstoð þegar fylgdarbíllinn er kyrr. Bílstjóri má aldrei veita aðstoð á ferð.
 - 4.2. Þegar bílstjóri er með aðstoðarmanneskju í bílnum, eina eða fleiri, er honum heimilt að veita aðstoð úr fylgdarbílnum á ferð frá hægri hlið ökutækis, t.d. veita millitíma eða rétta næringu.
 - 4.3. Ekki má veita aðstoð um drykki eða næringu fyrstu 30 km. og síðustu 15 km. af keppni, mótstjóri skilgreinir frekar.
5. **Fjöldi fylgdarbíla**
 - 5.1. Fylgdarbílar skulu fylgja félögum/liðum en ekki einstaklingum, fjöldi fylgdarbíla miðast við

- 5.1.1. 3 keppendur per fylgdarbíl í fullorðinsflokki
- 5.1.2. 2 keppendur per fylgdarbíl í barna og unglingsflokki
- 5.1.3. Ef einungis einn keppandi er frá félagi/liði er hægt að fá undanþágu hjá mótstjóra.

6. Reglur tengdar móti

- 6.1. Fylgdarbíla/Mediabíla þarf að ská hjá Mótstjóra hvers móts sérstaklega og merkja samkvæmt reglum HRÍ
- 6.2. Bílstjórar fylgdarbíla/mediabíla þurfa að sækja gögn og funda með mótstjóra klukkustund fyrir ræsingu móts – mótstjóri hvers móts skilgreinir frekar.
- 6.3. Mótstjóri skilgreinir upphafsstað og lokastað fylgdarbíla í hverri keppni.
 - 6.3.1. Hvar fylgd byrjar með keppni – staðsetning og tími
 - 6.3.2. Hvar fylgd lýkur með keppni - staðsetning

7. Frétta og ljósmyndabílar

- 7.1. Fjölmiðlabílar mega ekki vera fylgdarbíll fyrir keppendur. Þurfa að sækja um leyfi frá mótsstjórn til að mega keyra innan um keppendur. Media bílar fylgja í öllu reglum HRÍ, Mótstjórnar og umferðarlögum.

8. Merkingar

- 8.1. Allir bílar í braut á vegum eða með heimild mótsstjórnar eiga að vera merktir í afturrúðu og hliðarrúðum með einkennisstaf. Einnig má í samráði við HRÍ útbúa segulmerki á bíla sem þykir þá fullnægjandi merking:
 - 8.1.1. Dómarabílar – D
 - 8.1.2. Ljósmyndarabílar og álíka - M
 - 8.1.3. Aðrir bílar mótsstjórnar – K
 - 8.1.4. Fylgdarbílar – F
- 8.2. Fylgdarbílar skulu einnig vera merktir í framrúðu (neðst hægra megin), þó ekki þannig að byrgi bílstjóra sýn.
- 8.3. Fylgdarbílar skulu hafa merki í afturrúðu sem gefur öðrum vegfarendum til kynna að hjólamót sé í gangi. Dæmi um slíkt má vinna á vefsvæði HRÍ.